

1

16

O F F I C I U M
S. FERDINANDI
REGIS HISPANIÆ,
CONFESSORIS.

DUPLEX PRIMÆ CLASSIS CUM OCTAVÆ.

DIE XXX. MAII.

In festo S. Ferdinandi Regis
Hispaniæ, Confessoris.

Duplex primæ Classis
cum Octavæ.

Omnia ut in fine Breviarii
Romani, præter Lectiones pri-
mi Nocturni, quæ sunt *Iustus,*
si morte. de Communi Con-
fessoris non Pontificis j. loco.

Per totam Octavam S. Fer-
dinandi fit de Festis occur-
rentibus, cum commemora-
tione Octavæ juxta Rubricas
generales.

DIE XXXI. MAII.

Secunda die infra Octavam
S. Ferdinandi.

Omnia dicuntur ut in die
Festi, præter Lectiones j. No-
cturni, quæ dicuntur de Scrip-
tura occurrente; & Lectiones
secundi & tertii Nocturni, quæ
dicuntur ut infra notantur.

In secundo Nocturno Sermo
S. Joannis Chrysostomi. Beati
Ferdinandi dies, cujus Festivi-
tatem. ut in Communi Con-
fessoris non Pontificis primo
loco.

In tertio Nocturno.

Lectio sancti Euangélii secun-
dum Lucam.

Lectio vij. Cap. 12. d

IN illo tempore: Dixit Jesus
discipulis suis: Nolite timê-
re pusillus grex: quia complâ-
cuit Patri vestro dare vobis
regnum. Et reliqua.

Homilia sancti Fulgentii
Episcopi.

Ex Sermone de Confesso-
ribus.



SI non omnes possunt
implere, quod Dô-
minus ait: Véndite
quæ possidétis; illud
tamen, quod adjécit dicens:
Date eleëmósynam, ómnibus
est possibile, si adsit bona vo-
lúntas; ómnibus fácilè, si non
adsit dira cupiditas; ómnibus
salúbre, si férveat charitas;
cunctis debet esse comúnè,
ut ómnibus donétur ætérna
felicitas. Qui ergo tantam vir-
tútem accépit à Dómino, ut
ómnia quæ in mundo sunt,
coeléstis regni amóre contém-
nat: quæ habet, vendat, &
egenis

egénis expéndat : qui verò tantæ virtûtis nondum est , de his quæ habet , in quantum habet , eleëmósynam faciât.

ꝛ. Iste est.

Lectio viii.

Perfectus possideat primum virtûtis locum , imperfectus saltem perveniat ad secundum. Efficiatur ille gloriôsè dignus , sit iste laudabiliter largus. Sit ille sanctæ paupertatis ardentissimus amâtor , sit iste sanctôrum pauperum piissimus consolator. Hâbeat iste apud Deum patrônos pauperes , quos ille se gaudet virtûtis habere consortes. Sit ille talis , qui cum Dómino iudicaturus sédeat. Sit iste talis , qui ad dexteram iudicandus assistat. Sit ille talis , qui æterna tabernacula perpétuo jure possideat : sit iste talis , quem ille recipiat.

ꝛ. Sint lumbi.

Lectio ix.

Thesaurum nostrum , fratres , in cœlis ponamus , ut etiam cor nostrum in cœlis habere possimus. Necesse est enim , ut qui præcesserit dilectionis thesaurus , illuc etiam cogitationis sequatur affectus. Ideò veritas ait : Ubi enim thesaurus vester est , ibi & cor vestrum erit. Ut ergo in cœlis thesaurizemus , cœlestia diligamus. Vis nosse ubi thesaurizas ? attende quid amas. Vis nosse quid amas ? attende quid cogitas. Ita fiet , ut thesaurum tuum ex tuo amore cognoscas,

& amorem tuum indicio tuae cogitationis intelligas.

Te Deum laudamus.

In Laudibus fit commemoratio S. Petronillæ virginis.

DIE I. JUNII.

Tertia die infra Octavam

S. Ferdinandi.

In secundo Nocturno.

De Sermone sancti Joannis Chrysostomi.

Lectio iv.

De S. Philogonio , ante medium.

AD hanc beatam requiem transiit beatus Ferdinandus : quamnam igitur oratio par sit viri laudibus , quem Deus tam felici sorte dignatus est ? Non est ulla. Sed age , dic mihi , num idcirco silēbimus ? & cujus rei gratia convenimus ? An dicemus nos haud posse magnitudinem gestorum oratione consequi ? Atqui ob hoc ipsum necesse est dicere , quandoquidem hæc est præcipua laudum illius pars , quod factis verba æquiparari non possint. Nam quorum benefacta naturam etiam superant mortalem , perspicuum est , quod horum laudes excédunt linguam humanam. Haud tamen ob id aspernabitur officium nostrum , quod pro viribus præstamus , sed suum imitabitur Dominum : siquidem & ille viduæ duos tantum obolos dejicienti in gazophylacium , non tantum duorum obolorum mercēdem , sed multò amplius reddidit.

ꝛ. Honestum fecit.

Lectio

Lectio v

Proindè quamvis nostræ facultates exiguæ sint, minimique pretii, attamen, quæ possumus, offerimus. Ea licet non respondeant magnitudini meritorum animæ præclari justique Ferdinandi, tamen hoc ipsum celsitudinis illius maximum fuerit argumentum, quod nec pusilla repellat, sed idem faciat, quod solent divites. Siquidem illi, cum acciperint à tenuibus exigua, quibus non egent, sua vicissim apponunt, remunerantes eos, qui quod poterant, obtulerint. Idem & hic, cum acciperit à nobis laudem verbis peractam, qua nequâquam eget, redonabit nobis per ipsa facta benedictionem, qua semper uti possimus.

¶. Amavit eum.

Lectio vi.

Undè igitur laudationem illius auspicabimur? An à magistratu, quem spiritus illi tradidit gratia? Nam mundani Magistratus nequâquam possunt Christianorum demonstrare virtutes, quin potius frequenter habent accusationem malitiæ. Quam ob causam? quoniam & solitudines amicorum, & circumcurvationes, & adulationes, aliæque permulta his foediora tales Magistratus solent conciliare. Ceterum ubi Deus suo suffragio designarit aliquem, incorruptum suffragium, alienum ab omni

suspiciōne iudicium, indubitata fuerit delicti comprobatio propter ejus, qui delēgit, auctoritatem.

¶. Ilte homo.

In tertio Nocturno.

Lectio sancti Euangelii secundum Lucam.

Lectio vij. Cap. 12. d

In illo tempore: Dixit Jesus discipulis suis: Nolite timere pusillus grex: quia complacuit Patri vestro dare vobis regnum. Et reliqua.

Homilia sancti Petri Chrysologi.

Ex Sermone 22.

Premia statuuntur iis semper, quibus certamina dura proponuntur: ac pro magnitudine certaminis, præmii proponitur magnitudo. Hinc est, quod discipulis suis Christus regnum ponit in præmio, ut in certamine non cedant periculis, non timori. Pericula despicit, qui tendit ad regnum: victoriæ cupidus nescit timere. Nolite timere, inquit, pusillus grex: quia complacuit Patri vestro dare vobis regnum. Grex pusillus mundo, magnus Deo: pusillus, quia gloriosos vocat eos, quos instituit ad óvium innocentiam, & mansuetudinem Christianam.

¶. Ilte est qui ante.

Lectio viij.

Adicit quid faciendum sit regnaturis: Vendite, quæ possidetis. Non potest dominari omnibus, nisi is qui propriis

non tenentur. Dejectæ mentis est, qui familiaris rei meminit, cum vocatur ad regnum; jacens animus plebeius nummulum thesauris regalibus antepōnit. Pauper sensus parvis incubans, perdit magna: & inhians temporalibus, deserit sempiterna. Homo, tali mōnitu Christus te ditare voluit, non nudare: manere tibi tua voluit, non perire: perpetuari, non vacuari sacculos imperavit: jussit te transferre, non perdere.

Ps. Sint lumbi vestri.

Lectio ix.

Plus consilio patris agit, quam jure dominantis. Inter insidias latronum & tinearum morsus quare tua recōndas, objurgat: pervigiles noctes, dies anxios, sollicita tempora ne tibi ipse facias, commōnēris. Auri custos, servator argenti, securitatem non habet, nescit quietem; & cui deest securitas, quies perit; poena dives est ille, non censu. Thesaurum non deficientem in cœlo: hoc est dicere: Ubi ego sum, ibi pōnite: date mihi, ego servo. Homo, da Patri, crede Deo: quia & heredi Pater, & Deus homini creditum non negabit: tenere tua non potest, quia sua dedit. Te Deum laudamus.

In Vesperis fit commemoratio SS. Marcellini, Petri atque Erasmi Mart. secundum diversitatem temporis.

Oratio ut in Breviario.

DIE II. JUNII.

Quarta die infra Octavam sancti Ferdinandi.

In secundo Nocturno.

De Sermōne sancti Joānnis Chrysostomi.

Lectio iv.

Unde supra, paulo post.

Quāntum autem sit pietatis argumentum, quod Deus illum tanto magistratu dignum judicavit, audi. Christus excitatus à morte, quid dicit Petro? Postquam enim illum interrogasset: Petre amas me? isque respondisset: Tu Dōmine scis quod amo te, dicit illi: Si diligis me, pasce oves meas. Hoc autem dicebat, non solum ut nobis certissime declararet, quanto perē ipsum diligeret Petrus: verum etiam, ut palam faceret, quantam haberet benevolentiam erga suas oves. Itaque si quis voluerit illi commendatus esse, curam habeat ovium illius, publicam quærat utilitatem, fratrum suorum salutem prospiciat. *Ps.* Honestum fecit.

Lectio v.

Nullum enim officium hoc Deo charius est, & ob id alicubi dicit: Simon, Simon, expetivit te Sathanas, ut cribraret te tamquam triticum, sed ego rogavi pro te, ne deficiat fides tua. Quid igitur hujus sollicitudinis curæque præmium mihi rependis? eamdem curam, quam nobis impendit, repescit. Nam & tu, inquit, aliquādo conversus confirma fratres

fratres tuos. Neque prorsus alia res est, quae perinde declaret doceretque quis sit fidelis & amans Christi, quam si fratrum curam agat, proque illorum salute gerat sollicitudinem. *R.* Amavit eum.

Lectio vj.

Haec omnes audiant & Monachi, qui montium occuparunt cacumina, quique in odis omnibus seipso mundo crucifixerunt, quo pro viribus Ecclesiarum praefectos adjuvent, horumque curas leniant precibus, concordia, charitate; scientes, quod nisi modis omnibus opitulentur iis, qui tot periculis obijciuntur, per gratiam Dei, totque negotiorum curas sustinent, quibuscumque possunt rationibus auxilientur, quamquam procul habitantes, & victus fors ipsis periisset, & tota in scopulum impegisset sapientia. *R.* Iste homo perfecit.

In tertio Nocturno.

Lectio sancti Evangelii secundum Lucam.

Lectio vij. Cap. 12. d

In illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia sancti Petri
Chrysologi.

Ex Sermone 23.

Audistis hodie, quemadmodum Dominus Pastorali jubilo clangorem tubae caelestis adjunxit, ut diu

inclinatas omnium mentes ad divina tolleret, caeleste protinus promoveret ad regnum. Acquisivit humilitas, superbia quod amisit: & grex pusillus ac mitis, totas & varias edomuit propria mansuetudine feritates: pusillus grex vicit, ac fregit tot genera bestiarum, quot diversitates subdidit jugo Christi nationum.

R. Iste est qui ante.

Lectio viij.

Grex pusillus ac mitis diu contentus occidi, diu devorari passus est, donec gentilis savitia sanguine satiata, vel carnibus, Evangelici pabuli suavitatem, & divini fontis fluente degustans, totum contagium saeculi vitaret, & pastum: atque in hominem rediret ex bestia, qui ex homine fuerat dilapsus in bestiam. Hoc sensisse ante Prophetas, hoc Apostolos implese, hoc pertulisse Martyres constat, attestante illo qui dicit: Propter te mortificamur tota die, aestimati sumus ut oves occisionis. Ut vero iste grex novi ordinis aggredieretur praelium, ubi vivit ille qui fuit occisus; imitatus est suum Regem, illum secutus est Agnum, qui sicut ovis ad occisionem ductus est.

R. Sint lumbi vestri.

Pro SS. Marcelino, Petro, atque Erasino, Martyribus Lectio ix. ut notatur in Breviario, & fit commemor. eorum in Laudibus, ut supra notatur.

DIE III. JUNII.

Quinta die infra Octavam
sancti Ferdinandi.

In secundo Nocturno, Ex
libro Moralium S. Gregorii
Papae. Deridetur justi simpli-
citas. ut in Breviario de Com-
muni Confessoris non Pontifi-
cis in loco.

In tertio Nocturno.

Lectio sancti Evangelii secun-
dum Lucam.

Lectio vij. Cap. 12. d

In illo tempore: Dixit Jesus
discipulis suis: Nolite timere
pusillus grex, quia complacuit
Patri vestro dare vobis
regnum. Et reliqua.

De Homilia sancti Petri
Chrysologi.

Unde supra.

Sed audiamus jam, quid
pusillo gregi talis promi-
serit pastor. Nolite timere,
inquit, pusillus grex, quia
complacuit Patri vestro dare
vobis regnum. O bonitas ef-
fusa! o inaudita pietas! o inef-
fabilis affectio! In societate
census pastor oves assumit, at-
que ad consortium dominatio-
nis servos Dominus adsciscit:
ad principatum regni Rex gre-
gem populi totius admittit.
Sic sic dat, cui deficere census,
cui regnum minui, vacuari
potestas non potest largiendo.

ij. Iste est. Lectio viii.

Ecce qui dat, dare loqui-
tur Patrem. Numquid lar-
gitem suam denegat, sic di-
cendo? Absit? non potestatem
minuit, sed pandit affectum,

sic dicendo: non distantiam fa-
cit, sed Patris suamque volun-
tatem monstrat, firmat unitatem.
Quod autem dixit: Complacuit;
& non dixit, Placuit; munus edocet
Trinitatis: quia quod erga nos
Filio placuit, hoc complacuit
Trinitati.

ij. Sint lumbi. Lectio ix

Post tantam ergo Dominus
largitatem, post suam gratiam
tibi copiosius collatam, abjecta
& vilia peculia servitutis jubet
abjicere regnaturum. Vendite
quae possidetis, & date eleemosynam.
Plebicum cultum regia non
admittit potestas, augustus honor
non nisi diademate confertur &
purpura. Abjicere ergo debet
habitum servitutis, qui se regem
credit divinitus consecratum.
Est consuetudinis, est animi felix,
ut adscitus ad regnum, quod
fuit proprium, quod privatum,
mox parentibus, mox propinquis,
civibus indigentibus, liberaliter
prorogare, ne sit mendicus animo,
qui censu functus & honore.

Te Deum laudamus.

DIE IV. JUNII.

Sexta die infra Octavam
sancti Ferdinandi.

In secundo Nocturno.

Ex libro Moralium sancti Gregorii
Papae.

Lectio iv.

Lib. 10. c. 16. in cap. 12. Job.

Bene justi simplicitas, &
lampas esse dicitur, &
contempta; lampas, quia
interius lucet; & contempta,
quia

quia exteriùs non lucet. In-
tus ardet flamma charitatis,
foris nulla glòria respéndet
decòris. Lucet ergo, & despici-
tur, qui flagrans virtùtibus
abiectus aestimatur. Sed usque-
quò lampas ista contemnitur,
usquequò despicibilis habetur?
numquid non fulgorem suum
nullatenus exerit, & num-
quam, quanta claritate can-
deat, ostendit? Ostendit planè;
nam pròtinus additur: parata
ad tempus statutum. Statutum
quippe contemptæ lampadis
tempus, est extrèmi iudicii
prædestinatus dies, quo iustus
quisque, qui nunc despicitur,
quanta potestate fulgeat de-
monstratur.

ꝛ. Honèstum fecit.

Lectio v.

Tunc enim cum Deo iudi-
ces veniunt, qui nunc
pro Deo iniuste iudicantur.
Tunc eorum lux tantò latiùs
émicat, quantò eos nunc ma-
nus persequèntium duriùs an-
gústat. Tunc reprobòrum ócu-
lis patéscet, quod cœlesti po-
testate subnixi sunt, qui terrè-
na ómnia spontè reliquerunt.
Undè eléctis Veritas dicit: Vos,
qui secuti estis me, in regene-
ratione, cum séderit Filius hó-
minis in sede maiestatis suæ,
sedebitis & vos super duode-
cim sedes, iudicantes duode-
cim tribus Israël. Neque enim
plusquam duodecim iudices il-
la intèrni consésiius cùria non
habèbit, sed nimirum duode-
nario número quantitas uni-

versitatis exprimitur: quia quis-
quis stimulo divini amoris ex-
citatus, hinc possessa reliquerit,
illic proculdubio culmen iudi-
ciariæ potestatis obtinèbit.

ꝛ. Amàvit. *Lectio vj.*

Hinc est enim, quòd de
sanctæ Ecclesiæ sponso
per Salomònem dicitur: Nòbi-
lis in portis vir ejus, quando
séderit cum senatòribus terræ.
Hinc Isaias ait: Dòminus ad
iudicium veniet cum seniòri-
bus pòpuli sui. Hinc eòsdem
seniòres Veritas non jam fá-
mulos, sed amicos denúntiat,
dicens: Non jam dicam vos
servos, sed amicos meos. Quos
Psalnista intuens, ait: Mihi
autem nimis honorati sunt
amici tui Deus. Quorum dum
celsitudinem cordis aspiceret,
mundi glóriam qua calce cal-
carent, pròtinus addidit: Ni-
mis confortatus est principatus
eorum. Ac ne paucos esse cre-
deremus, quos proficere usque
ad summam tantæ perfectiò-
nis agnoscimus; illicò adjún-
xit: Dinumerabo eos, & su-
per arènam multiplicabuntur.
Quot itaque nunc pro amore
veritatis sese libenter humi-
liant, tot tunc in iudicio lám-
pades coruscant.

ꝛ. Iste homo perfècit.

In tertio Nocturno.

Lectio sancti Euangélii secun-
dum Lucam.

Lectio vij.

Cap. 12. d

In illo tempore: Dixit Jesus
discipulis suis: Nolite timè-
re pusillus grex: quia complá-
cuit

cuit Patri vestro dare vobis regnum. Et reliqua.

De Homilia sancti Petri Chrysólogi.

Unde supra.

T Ali ergo providentia Dominus, consilio tali, vilia & caduca jubet ut vendamus, ut largiamur, ut donemus, qui in coelesti regno omnia, quae in caelo & quae in terra sunt volumus possidere. Sed si vis servare tuorum praetia praediorum, & facultatum forte condita te delectant; fac tibi sacculos quales ille praecipit, qui jam cupiditatis tuae custos est & provisor. Denique ut vidit quod duriter dixit, Vendite quae possidetis; mox adjecit, Facite vobis sacculos qui non veterascunt, thesaurum non deficientem in caelis.

ix. Iste est qui ante.

Lectio viij.

Terum contristatus es: quia quod habes, in caelis cogis collocare. Rogo, crede Deo tuo, qui servo credis: magis Deo quam homini commenda. Sed si times ne quid inde praesumat, ne quid dispergat pietas largitoris, signa fidei annulo sacculos tuos, ut tali custode dormias tu securus: quia ubi ille est, ibi locus nullus est furi. Non poterit tibi tuam pecuniam denegare, qui tibi omnia sua contulit, qui te regni sui & honore ditavit & gloria.

ix. Sint lumbi vestri.

Lectio ix.

Ex Sermone 25. circa finem.

NOvo modo, imo coelesti modo, qui hunc audit, vendendo comparat, recedit erogando; dum amittit, acquirit. Quam cupit pecuniam perdurare, perpetuare sacculos divitiarum, condita permanere, qui dicit, Facite vobis sacculos qui non veterascunt. Ecce docet avaritiam, qui coeperat suadere contemptum. Et qui thesaurizantes temporaliter arguebat, ad totum cupiditatis fomitem jubet sacculos sine fine perquiri. Christe, quomodo te pertrahit amor tuorum? Ut avarum lucrifacias, facis eum quod desiderat, non quod oportet audire: sacculos imperas, ut avarus, dum consueta percurret ad lucra, aut virtutem capiat, aut a virtute capiatur.

Te Deum laudamus.

DIE V. JUNII.

Septima die intra Octavam sancti Ferdinandi.

In secundo Nocturno.

Sermo S. Bernardi Abbatis.

Lectio iv.

Sermone 1. de S. Victore.

Sancti Ferdinandi vita, & gloria specialis, non tam ad gloriam, quam ad virtutem provocat omnes, qui recto sunt corde. Non recti plane, sed perversi est animi, ante quaerere gloriam, quam exercere virtutem; & velle coronari, qui legitime non certaverit. Vanum est vobis, inquit,

quit, ante lucem surgere. Ità est: frustra ad celsitudinem nititur glóriæ, qui prius non claudit virtute. Frustrà fatuæ virgines sponso obviam surgunt, quarum lampades extinguuntur: & ideò fatuæ, quia vacuis gloriántur lampadibus, virtutis óleum non habentes.

34. Honéstum. Lectio v.

Virtus gradus ad glóriam, virtus, mater glóriæ est. Fallax glória, & vana est pulchritudo, quam illa non pariturivit. Sola est, cui glória jure debetur, & secúre impenditur. Sancto Ferdinándo nec virtus, nec glória deest, sed quemádmódum ambo res, & quo órdine in hómine processerunt, id óperæ prætium intuéri. Habémus enim, dilectissimi, in vita Ferdinándi, & quod dignè mirémur, & quod salúbriter imitemur. Tútius sanè æmulánda solidióra, quam sublimióra, & quæ magis virtutem redóleant, glóriam minùs. Studeámus proindè móribus conformári, cui in mirabilibus similári, etsi volúmus, non valémus.

34. Amávit. Lectio vj.

ÆMulémur in viro sóbrium victum, devótum afféctum; æmuléinur mansuetúdinem spíritus, castimóniam córporis, oris custodiam, ánimi puritátem, pónere frænnum iræ, & modum linguæ, dormire párcius, oráre frequéntius, commonêre nosmetipsos psalmis, hymnis,

& cánticis spirituálibus, diébus júngere noctes, & divinis laudibus occupáre, æmulémur charísmata melióra. Æmulémur, inquam, quòd extitit liberális in páuperes, pátiens ad peccántes, benignus ad omnes. Hoc enim meliùs. In his forma est, cui imprimámur: in miráculis glória, à qua reprimámur. Illa latificent, ista ædificent: móveant illa, ista promóveant.

34. Iste homo perfécit.

In tertio Nocturno.

Lectio sancti Euangélii secundum Lucam.

Lectio vij. Cap. 12. d

IN illo tēpore: Dixit Jesus discipulis suis: Nolite timere pusillus grex: quia complacuit Patri vestro dare vobis regnum. Et reliqua.

De Homilia sancti Petri Chrysólogi.

Post supradicta.

Verè Pater est, ô Christe, qui cum tuis quibuscúmque párvulis sic agis. Namque & nos interdum nostris párvulis peténtibus nóxia, ingerimus salutária sub spécie noxiórum, fallétes insipientiam, non decipientes afféctum. Dixisti: Fácite vobis sácculos, qui non veteráscunt. Sácculus cur parátur? quid ibi claustra, ubi ipsa custos est innocéntia? ibi quid signáculum, ubi fraudis suspicio non habétur? si & in cœlo sácculis opus est, cura non amittitur, sed mutátur.

34. Iste est qui ante.

Lectio

Lectio viij.

Domine, tu vidisti, quia in thesauris tota fides, tota spes in sacculis sit aváris; & idèò impubiles in celo sacculos vis parári, ut qui te non séquitur ad cœlum, sequatur saltem sacculos suos. Aváre, fac tibi sacculos, & fac jubente Deo: quia votis tuis annuit divína majestas. Sed fac tibi sacculos erogando: quia quidquid pauper acceperit, Pater cœlestis suscipit. Et ubi recóndit? in celo. Et ne fortè perdidisse te doleas, vel usúram, centuplum in cœlesti foenore recipies, quidquid in cœlum paupere transmiseris perferente.

✠. Sint lumbi vestri.

Lectio ix.

Usúra mundi centum ad unum, Deus unum accipit ad centum: & tamen homines cum Deo nolunt habere contráctum. Sunt forsitan de cautióne solíciti. Quare? nónne homo hómini exiguæ chártulæ obligatióne constringitur? Deus tot & tantis voluminibus cavet, & débitor non tenetur? Sed dicis: Esto quòd debeat; quo exigente restituet? Seipso, quia non potest ille mentiri: idem ipse est & excútor, & débitor. Non exit in reddendo durus, qui profusus est in largiendo. Crede homo Deo, quod tibi Deus dedit: majóra reddere vult, cum vult debere largitor.

T e Deum laudamus.

DIE VI. JUNII.

In die Octava S. Ferdinandi.

Omnia, ut in die Festi, præter Lectiones, quæ sequuntur.

Lectioes primi Nocturni, de Scriptura occurrente.

In secundo Nocturno.

De Sermone sancti Bernardi Abbatis.

Lectio iv.

Sermone 2. de S. Victore.

GAudete in Domino, dilectissimi, qui inter continua suæ pietatis beneficia indúlfit hóminem mundo, cujus multi salvantur exémplo. Iterum dico gaudete, quòd factus de medio appropriavit Deo, ut multo plures ejus intercessióne salventur. In terris visus est, ut esset exémplo: in cœlum levatus est, ut sit patrocínio. Hic infórmatur ad vitam, illic invitat ad glóriam. Factus est mediátor ad regnum, qui fuit incitátor ad opus. Bonus mediátor, qui sibi jam postulans nihil, totum in nos transfere desiderat, & supplicantis affectum, & supplicationis fructum. Quid enim querat sibi, qui nullius eget?

✠. Honéstum fecit.

Lectio v.

HÆc dies gloriósæ migrationis ejus, dies lætitiæ cordis ejus: exultemus, & lætémur in ea. Introivit in poténtias Dómini, gaudeamus: quia nunc poténtior est ad salvandum. Hódie Ferdinándus posito

pósito corpore, tantò alacrior, quantò expeditior penetrâvit in sancta, similis factus in glória Sanctôrum. Hódie despécto mundo, & mundi príncipe triumpháto, supra mundum victor ascéndit, accipiens de manu Dómini corónam victóriæ. Ascéndit autem cum iménsa supelléctili meritôrum, clarus triúmphis, miráculis gloriósus. Sedet veterânus miles, débíta jam suavitate & securitate quiétus: secúrus quidem sibi, sed nostri sollicitus. O venerándam étiam ipsis Angelis sanctitátem, quam pari stúdio, etsi díspari voluntáte, & mali fugitant, & frequéntant boni. Nec fácilè dixerim, quid virum ástruat sanctiorem, horum favor, aut pavor illôrum. *ꝛ.* Amávit eum.

Lectio vj.

OMiles emérite, qui Christiánæ militiæ duris labóribus Angélicæ felicitátis réquiem commutásti: réspice ad imbélles & imbecilles commilitónes tuos, qui inter hostules gládios, & spirítales nequítias tuis láudibus occupâmur. Quàm pium, quàm dulce, quàm suáve, ó Ferdinánde, in hoc loco afflictiónis, & in hoc corpore mortis te cánere, te cólere, te precári! Nomen tuum, & memoriále tuum, favus distillans in lábiis captivôrum, mel & lac sub lingua eórum, qui tui memória delectántur. Eja ergo fortis athlêta, dulcis patrone, advocâ-

te fidélis, exúrge in adjutórium nobis; ut & nos de nostra creptiône gaudeámus, & tu de plena victória gloriêris.

ꝛ. Iste homo perfécit.

In tertio Nocturno.

Lectio sancti Evangelii secundum Lucam.

Lectio vij. Cap. 12. d

IN illo tẽpore: Dixit Jesus discipulis suis: Nolite timere pusillus grex: quia compláuit Patri vestro dare vobis regnum. Et reliqua.

De Homilia sancti Petri
Chrysologi.

Ex Sermone 25. in initio.

HOdiè Dóminus Evangelici gregis pusilla & tẽnera primórdia quàm blanda exhortatiõe sit consolátus, audístis. Aufert spes anxias, dúbios tollit evéntus, omnémque propéllit & exclúdit timórem, quando in exórdio ipso regnum nascéntibus pollicétur. Quis de victu, quis de vestitu, quis de plebeio censu, & vernális cespitis vilitate suspírat, de regno certus, de dominatione secúrus? Satis sibi invidet, qui elevátus ad summa, ipse se ad humília déjicit, ad egèna depónit.

ꝛ. Iste est qui ante.

Lectio viij

SEd scire cõvenit, Pater iste qui est, vel qualis est, vel quod regnum suis filiis repromittit. Quis sit iste Pater, quotidie te consítente cognóscis, cùm clamas: Pater noster, qui es in cœlis. Qualis autem sit,

fit, ipsa operum magnitudine pervidisti. Ex nihilo fecit cœlum, terram solidavit ex liquido, montes statuit ad statèram, maria intra legitimos terminos sola præcepti auctoritate conclûsit. Verum si regni, quod promittit pusillis, desideras nosse qualitatem, ipse aperit, sic dicendo: Sinite parvulos venire ad me; talium est enim regnum cœlorum. Esse in cœlo mirum est: in cœlo vivere, est majestatis.

✠. Sint lumbi vestri.

Lectio ix.

Quid ergo cum terra illi, qui possidet cœlum? quid illi cum humanis, qui indèptus est jam divina? Nisi forte placent gemitus, eligun-

tur labores, amantur pericula, pessima mors delèctat, & illata mala bonis sunt gratiôra collatis. Sed videamus, quod dat Pater tantus consilium regnaturis. Vendite quæ possidètis, & date cleëmòsynam. Si victuros vos, si regnuros, si vos jam divites esse creditis in supèrnis, ubi futuri, quò migraturi, ubi regnaturi estis: vos illa, quæ vestra sunt, jam præcedant: opes miseras misericordia computate: quæ humana sunt in divina convertite.

Te Deum laudamus.

Festum sancti Norberti Episcopi & Confessoris transferatur, juxta Rubricam de Translatione.

HISPANIARUM.

Cum Serenissimus Hispaniarum Rex per Eminentissimum, & Reverendissimum Dominum Cardinalem Portocarrero piis, enixisque preces porrexerit Sanctissimo Domino Nostro Benedicto Papæ XIV. pro facultate celebrandi Festum beati Ferdinandi III. Regis Castellæ, & Legionis, cognomento Sancti, sub ritu Duplici prima Classis cum Octava in omnibus Regnis, ac Dominiis sibi subiectis; Sanctitas sua attentis peculiaribus facti circumstantiis, ejusdemque Regis pietatem speciali gratia fovere studens, audito R. P. D. Ludovico de Valentibus Fidei Promotore, Prædictum festum sub ritu Duplici prima Classis cum Octava pro omnibus Regnis ac Dominiis eidem Catholica Majestati subiectis benignè indulgit, atque concessit. Hac die prima Martii 1749.

D. F. Cardinalis Tamburinus, Præfatus.

Loco ✠ Sigilli.

Pro Reverendissimo Patriarcha Hierosolymitano, Secret.
L. de Valentibus, S. Fidei Promotor.